

師
嘉
廉
詩
集

卷

十七 十六

范荔屏先生詩集卷十六

雲南叢書集部之三十三

滇西師 範荔屏

鷓鴣吟

離憂二首東西阿檢討申浦侍讀並示七峯貢士
離憂何處遣把盞意茫茫安得騎元鶴飄然返故鄉人
猶驚戰伐天不改青蒼直向溫州去扁舟接大荒
連日都門酒淋漓欲滿襟愁多難辦醉寒重省添衾花
月當年夢冰霜旅客心吳山兼越水容易入哀吟

立春日雄縣道中作

影事前塵莫問天蠶絲詎肯斷纏綿貧猶作業誰相諒

老更多情只自憐
丹鳳城南霜又落
白羊關外雪爭妍
愁悰欲寄何由寄
一盞寒燈照獨眠

蘭言清入紫茸茶
碧玉何曾似小家
身是子規常叫月
夢爲蝴蝶也尋花
羅衣淚染三生石
珊枕香迷五色霞
酒已無情書少味
一般離緒各天涯

秋水瀾瀾欲滿塘
不教鷓鴣雜鴛鴦
名花作骨容三變
素女爲師態萬方
瓊佩手貽先自解
羅襦身託誓難忘
人生盡道相逢樂
那識相逢恨轉長

潦倒無從報好音
春來秋去費沉吟
空搖騎省生花筆
難博長門買賦金
木到千年狸可照
珠雖九曲蟻能尋

終須勉竭遊人力拔取疎梅入暮林

路塵

漲天塵土一衢黃非霧非烟望渺茫遠接三關雲讓色
晴迷四野日含光沾衣點點疑梅雨拂面層層漬柿霜
變盡世間人我相難憑青鏡問行藏

見雪

忽見林端雪霏微映遠空路塵低不起春意淡相融入
地蝗消種連雲麥兆豐如何九門內調燮未成功

武強縣署喜晤孫榆街明府時新歸自伊犁

東風五度玉門關容易君恩早賜環閒放雄詞紀葱嶺

愁將離夢繞蒼山菊松滿徑家全在冰雪填胸鬢未班
聞道任棠村姜鶴亭太守明府新被遣霜天回首淚潺潺

德州

嚴城屹立早烟中屯氏河邊日正紅守凍船多喧曉市
趙程車半掩霜篷山川蹟表分封歲戰伐人談靖難功
田謝蕭盧俱已杳大馮君宅尙悲風

四女寺訪秀森止舍有作並柬王益齋

意外相逢實意中早憑芳訊託飛鴻巴江峽仄船如馬
湖口天青浪潑空幾多離緒三年隔無限鄉愁萬里同
四女廟前春色動可憐分手忒匆匆

東方朔故里

路入平原雪正新
穹碑八尺勢嶙峋
特書爲衣東方里
不比投壺郭舍人

天上桃花開未開
翩翩青鳥去仍回
瓊窓玉檻無人迹
親覩瑤池阿母來

嚴朱終路各稱奇
金馬門邊執戟時
灰劫昆明今幾度
人間惟有歲星知

殿前拔劍氣凌雲
割肉居然遺細君
飽及侏儒臣合餒
憐他衛霍總紛紛

東阿縣

橋畔冰全釋溶溶映夕曛層山低入畫晴雪白疑雲麥
已邱中綠春從樹杪分于家兄弟好何計起論文

陳思王墓

一門才調獨稱長墓伴東阿跡已荒衰草千年迷漢魏
新詩七子拜徐王悲深煮豆其同泣情託淩波步亦香
獻表居然求自試抗顏思共武侯量

汶水橋

汶水橋邊腊月時湯湯已自下流漸當年魯道歸齊子
顧影還應媿戚施

辭宰私門恐辱身清心已寄此河濱距心舊治今非昔

知罪空傳受牧人

晚抵汶上縣

肅肅賦宵征迢遙汶上城疎林殘雪影古寺夜鐘聲
歲晚愁行役年衰減宦情萍蓬嘆流轉徒戀此虛名

歲暮感賦柬竹居

怙恃痛全失何心還憶家惟憐小兒女相對說天涯
車馬催人老江山閱鬢華春風眷羈客將雪抵梅花

立春才十日冉冉歲將除爲客經東郡懷人託素書

時寄

蘭溪侍御札

烟消扉是荔雲擁竹爲居萬里燈前酒銜杯興

有餘

歲戊午元旦兗州道中有懷西阿檢討申浦侍讀

九山侍御並柬竹居明府

三年邊塞客容易又元辰天入淮徐遠雲連海岱春東
風吹泗水長路感羈人雙闕頻回首恩先及近臣

兗州南樓

杜陵當日此翱翔高李相逢各擅場雲護酒壚人已去
雪消森木晚逾涼絲雞蠟燕紛來往魯殿秦碑竟渺茫
自是南來春較早綠烟含影蘸芳塘

卞莊子祠

寂寂荒祠野水濱香殘灰冷四無隣猶餘村畔癡兒女

爭說當年打虎人

柳下惠故里

三已未嫌多終能卸網羅原無窮可憫真乃聖之和雪
霽烟全化風吹水不波碑猶書柳下駐馬一摩挲

謁孟廟恭紀十二韻

此是三遷里巖巖象孔彰祠官嚴俎豆廟貌肅衣裳夫
子生雖晚宣尼道益光當年徒向若今日喜循牆身獨
丁衰世名堪動七王良模傳并政大義凜明堂言必稱
堯舜功初述武湯鴻飛齊與魏草薶墨兼揚氣自充天
地詞真挾混茫高文炯星月雄辯颯風霜檜柏盈堦翠

烟雲繞座長嶧山青元碑千古鬱相望

滕縣

地尚餘經界遺封叔繡迷春城三日雪茅屋午時雞俗
自沿鄒魯疆猶錯楚齊茫茫受塵處負耒各東西

嶧縣道中遇雪

風雪連天來人從此中去流水伏不流茅簷失晨暮苦
憶江南春雜花滿芳樹

連山如蛾眉帶雪更修整參差出復沒羣峭通天冷回
望原上村炊烟淡無影

汴河道中

來牟三頃二頃茅屋十村九村野塘雪漫春水曉日烏
栖寺門

風景依然河北程途已入江南春色未知多少林間綠
意全含

荀卿墓

古墓依稀寄野塍半天晴雪北蘭陵揚前管後俱無忝
荀孟何妨亦並稱

過邳州

山能蘊藉水輕盈消盡氛埃氣便清斜日邳州橋上望
晚鴉飛過夕陽城

關湖曉發

正月關湖道人南雁北歸水村自明潤雲樹總霏微春
氣已着物曉寒猶在衣鄉心渺無際拭目對新暉

渡沂水

冰消兩岸水鱗鱗小艇橫波正早春春服未成春意佳
風前遠想詠歸人

野宿

野宿前宵慣村燈照眼紅更誰知此夜又復倚孤篷傳
食依牛口安禪近馬通畢門圭竇好清況幾人同

宿遷縣道中

宿遷城北路轉轉接河堤湖勢連天濶山形帶野低雪
消村巷濕春動柳條齊已入江南境懷人夢尙西

說龍

天用莫如龍潛見各有時當其布功德雲雨交相資茫
茫駱馬湖風吹烟瀰瀰中忽露神物蟠空形委蛇我方
學新婦閉置垂車帷李子獨憑軾大叫驚絕奇云適睹
龍鬪願索先生詩龍性卽善怒爪牙寧輕施戰野血玄
黃戰水山岳移海宴河亦清聊此作游嬉側聞豢龍氏
馴擾狎髦髻摘珠或割耳誰歟乖與癡好龍真龍下遂
得瞻威儀幸未同葉公披髮走且馳挑燈演龍說兼之

妙不可言，紫氣常存。

告來茲來者庶可鑒往者無復疑

述夢

嘉慶三載春正月初六時有浙水行驅車戒僮僕晴
雪調深泥新水沁平陸馬疲輪欲方一步幾千蒼茫
戴家橋覓路就茅屋會食土銕邊食罷卽寄宿我命本
迍邅椿萱痛無祿酸風撼高樹愁雲阻空谷栖遲燕晉
間兩年似轉軸劇憐今夜身許歸故山曲升堂叩雙棺
披帷方一哭我父忽起坐容色備溫肅牽衣驚且疑心
如鳥啄木亦有妾與妻相對瞠四目弟妹出問勞左右
各團簇我母獨何往含哀額頻蹙倏聞雞唱多野濶星

煜煜旅魂孰爲招夜燈慘更綠言之聲欲吞不言又在
腹作此述夢詩悲哉向誰告

抵清江浦

路入江鄉眼易清葦花如雪正盈盈碧雲天遠人全瘦
明月樓高雁自橫

家家火樹爛千銀雲散東坡湧玉輪記得年時當此夜
春燈紅照一雙人

舟泊淮城未得訪釣臺

無復當年舊釣臺春流如玉抱城隈一竿風雨王孫餓
百戰功名猛士哀推解竟能愚大將鯨彭俱不愧奇才

蕭蕭夜火淮陰市恐有人從跨下來

過露筋祠

楚雲漠漠草離離邵伯湖西正月時斜日一篙春水碧
峭帆人過露筋祠

冒雨謁三賢祠

積水長橋映遠空濕雲如絮雨溟濛綠楊城郭烟霄外
畫舫笙歌竹樹中到此塵顏應一洗幾人清興肯相同
三賢祠畔維舟坐甘向梅花拜下風

虹橋夜泛

虹橋雨歇泛舟行欸欸歌聲雜櫓聲春水有波原脉脉